



Til

Lindås Kommune,
 Kvernhusmyrane 20
 N-5914 ISDALSTØ

Att.:

Dykkar ref.:

LINDÅS KOMMUNE	
Klassering	
3 - 12. 2014	
Ark. saksnr	Løpennr
Saksnr	Tilgangskode

Vår ref.:

02. desember 2014

Søknad om kommunalt tilskot til Norsk Landbruksrådgiving (NLR) Hordaland i 2015

Norsk landbruksrådgiving Hordaland vil takke for tilskot **Lindås Kommune**, tidlegare har gjeve til arbeidet vårt, og vi søker no om tilskot for 2015. Vi vonar kommunen har nytte av samarbeidet med landbruksrådgivinga og arbeidet vi utfører.

Mange kommunar i Hordaland gjev oss tilskot. Summane varierer, men for oss er tilskotet viktig og gjev oss moglegheit til informasjons- og utviklingsarbeid, som er vanskeleg å finansiere fullt ut med andre midlar. NLR Hordaland er ein medlemsorganisasjon, og i alt er 1540 bønder i Hordaland medlem hjå oss.

Vi er ei uavhengig, landbruksfagleg rådgivingsteneste. Rådgjevarane våre, som har kontor fleire plassar i fylket, ynskjer å vere gode støttespelarar for kommunane og bøndene, både når det gjeld utvikling av landbruket og informasjon om tilskotsordningar, reglar, forskrifter og andre nyhende som gjeld landbruket.

Fagleg verksemd – utvikling av landbruksnæringa

Dei kommunale tilskota medverkar til at vi kan få ny landbruksfagleg kunnskap lokalt i Hordaland. Vi har dei siste åra hatt fokus på optimal produksjon av gras og grovfôr, både på fagmøter og ved individuell rådgiving, og utvikla fleire nye rådgivingstilbod for husdyrproducentane.

NLR Hordaland har kvart år kurs i bedriftsutvikling og etablering i landbruket. Økonomirådgivarane våre gjev i tillegg individuelle råd til bønder i heile fylket, i saker som gjeld næringsutvikling, etablering av nye næringar, driftsplanar og søknader om tilskot til innovasjon Norge.

Vi tilbyr også tenesta «Betre Bunnlinje». Gjennom ei grundig vurdering av drifta på garden gjev vi råd om korleis økonomien kan verte betre, enten ved å redusere kostnadene eller å auke inntektene.

Betre økonomisk resultat i landbruket og utvikling av næringa, gjev auka verdiskaping og sikrar arbeidsplassar på gardane, som igjen medverkar til inntekt i kommunen. NLR Hordaland ynskjer å vere ein viktig støttespelar for bonden der nyskaping og utvikling skjer. Våre rådgivarar har brei erfaring og godt nettverk, og vi kan foreslå løysingar eller peike på utfordringar som bonden sjølv ikkje har tenkt på.

Den offentlege miljøforvaltninga har i det siste lagt vekt på landbruket si rolle for det biologisk mangfaldet og for å ta vare på kulturminne knytt til landbruksareal. Fleire av rådgivarane våre har i år arbeidd mykje med skjøtselplanar for utvalde kulturlandskapområde og kulturminne, og vi har no god kompetanse på dette området.

Kompetanse for framtida!



Jordbær- og bringebærproduksjon i Hordaland

Arbeide vårt med å motivere fleire til å produsere bær held fram. Det er ein aukande interesse for bær dyrking i heile fylket. Vi tilbyr alle nye bær produsentar tett oppfølging gjennom heile vekstsesongen, både ved besøk på garden og fagmøte. Vi sendar også ut eigne rådgivingsmeldingar for bær dyrkarane på e-post.

Hjelp til å imøtekomme offentlege krav

Det er mange som spør oss om regelverk, forskrifter og tilskotsordningar for landbruket. Vi legg vekt på at rådgjevarane skal vere oppdatert på endringar som skjer, slik at vi kan gje gode råd og svar. NLR Hordaland ser det som ei viktig oppgåve å hjelpe bøndene å imøtekomme offentlege krav. Vi tek jordprøver og utarbeidar gjødselplanar, hjelper til med miljøplanar, trinn 1 og 2, og KSL.

Informasjon frå oss.

Informasjon ut til bonden og landbruksnæringa er viktig. Gjennom heile året arrangerer vi informasjonsmøte, markdagar og kurs om nyhende og nye utfordringar for landbruket, ofte i samarbeid med kommunane eller fylkesmannen. Vi sender ut e-postmeldingar til medlemmer og samarbeidspartnarar. I år har vi også hatt ei ordning med at våre medlemmer får tilsendt Bondevennen 6 gonger.

Om de ikkje får rådgivingsmeldinga vår på e-post, send ei melding til hordaland@lr.no. På nettsida vår <http://hordaland.lr.no/> legg vi ut informasjon om verksemda og nyhende i landbruket. Vi har også eigen Facebook-side.

Anna

Vi yter tenester til alle, også til dei som ikkje er medlemmer. Våre kurs, fagmøte og markdagar er opne for alle, og vår kompetanse kan kome alle bønder til gode.

Vi får også tilskot gjennom jordbruksavtalen. Offentlege tilskotet har kvart år hatt ein reell reduksjon. Reduksjon i tilskotskroner har vi klart å erstatte i hovudsak ved auka eigenbetaling, men også gjennom prosjektinntekter, oppdragsverksemd og effektivisering av drifta. Om dei kommunale tilskota fell heilt vekk, vert det vanskeleg å oppretthalde aktiviteten på det nivået vi har i dag.

Vi ynskjer eit godt samarbeid med kommunane i Hordaland og set pris på innspel frå kommunane når det gjeld aktivitetar vi kan samarbeide om. Vi kan også ta oppdrag for kommunane blant anna når de gjeld arbeid med kommuneplan, verdsetting av landbruksareal, vurdering av areal for landbruksproduksjon mm.

Vi håpar **Lindås Kommune**, framleis vil yte oss økonomisk stønad, og vi søker om eit tilskot for 2015 på same nivå som tidlegare år.

Med venleg helsing

for

Norsk Landbruksrådgiving Hordaland

Liv Lyngstad, dagleg leiar